



第一二三七册

四庫全書

●上海古籍出版社

本冊目次

林	槎	東	覆	柘
附			附	
登	翁	車	瓶	軒
州	詩			
集	錄	集	錄	集

明林弼撰……………一
明劉嵩撰……………二〇五
明釋妙聲撰……………五六三
明朱同撰……………六四九
明凌雲翰撰……………七三三

欽定四庫全書

集部

林登州集

目錄

欽定四庫全書

集部六

林登州集目錄

別集類五明

卷一

四言詩

五言古

卷二

五言古

七言古

欽定四庫全書

林登州集
目錄

卷三

七言古

卷四

五言律

七言律

卷五

七言律

卷六

群校官滿寺節

臣梁景陽

中書

臣劉源濟覆勘

總校官庶吉士

臣何思鈞

校對官中書

臣王家賓

膠錄監生

臣何均

七言律

卷七

五言排律

五言絕句

七言絕句

操

辭

詩餘

欽定四庫全書

詩餘
目錄

卷八

送序

卷九

送序

卷十

送序

卷十一

送序

卷十二

贈序

卷十三

集序

卷十四

集序

卷十五

記

欽定四庫全書

詩餘
目錄

卷十六

記

卷十七

記

卷十八

詔

誥

表

箋

頌

贊

箴

銘

卷十九

誌銘

卷二十

誌銘

卷二十一

墓表

神道碑

傳

誄

些

祭文

欽定四庫全書

林登州集

目錄

四

卷二十二

說

解

文

疏

卷二十三

題跋

臣等謹案林登州集二十三卷明林弼撰弼

欽定四庫全書

五

林登州集

五

字元凱龍溪人元至正戊子進士為漳州路

知事明初以儒士修禮樂書授吏部主事官

至登州府知府弼嘗與王廩同使安南以却

贖金為太祖所器生平著作有梅雪齋稿使

安南集是集總名登州蓋景而輯之者凡詩

七卷文十六卷其使安南集宋濂曾為之序

稱其文辭爾雅王禕亦嘗贈以詩與之唱酬

其墓志即王廩所作稱其詩文皆雄偉跌宕

清峻之語復出塵表蓋明初閩南以明經學

古擅名文苑者弼實為之冠也弼又名唐臣

以時禁國號名氏遂仍舊名是弼本初名唐

臣乃其改名朱彝尊明詩綜則云弼初名唐

臣當由宋濂序謂唐臣更名弼致誤然宋序

未嘗言初名也至弼改名既久而原本之首

尚署為林唐臣撰則無所取今仍署弼名著

之錄焉乾隆四十三年五月恭校上

欽定四庫全書

林登州集

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

林登州集卷一

明林弼撰

四言詩

北山堂詩有序

汪君世良居開化之北山常構堂以奉二親既入為

太官不得承顏朝夕因命畫者作北山堂圖并記其

別時之景蓋思之切故以是而寓其情庶幾一目之

欽定四庫全書

林登州集

頃少抒悵悵云爾序而詩之者既詳且切予讀之有

感於中因推詩人之緒而為之言

瞻彼北山其下有堂堂有甘旨吾親是將胡為乎來于

鍾之阜鍾有北山匪我之舊我思北山思之永歎庭有

長椿堂有藟萱椿之茂矣萱之秀矣悠悠我思曷云觀

止有圖有詩莫慰我思北山之歸我心則夷自古在昔

以忠為孝勗爾世良是則是效

元帥觀公平寇詩

元受天命率土悉臣三陸晏帖孰謂凶人閭微之絕橫
生予橐大肆羣疑將吮民血蝟鋒螳斧推威過隅蟻聚
烏合至於我郭錦股紅首跳跟吼謂此孤墉可以計
誘桓桓觀公實維分藩奮臂一呼貌虎髯掀公曰勿暴
以駭我師猛兇在押半就梟夷逆酋匪如惡衆來赴修
我戈矛我備以豫盜未至郊士已越關載戰載捷如飛
如翰爭先逐北狼蹙驚路戎府大開以受訊讖盜之方
熾我民無所盜之既平我民安堵如枯而蘇如涸而濡

欽定四庫全書

林登州集

二

五言古

題陽山蒼檜圖

瞻彼陽山岡蔚有蒼檜樹密葉含清暉繁枝注零露秋
蘭隔芳洲春草迷長路游子今歸來山空歲云暮

次韻顧孟仁遊雲洞之作

端居感流序躍馬城東道丹木競華滋山水政清好於
馬息塵營聊復事宣討細泉響巖巖實幽禽轉林堡憑高
一長嘯坐覺天地小登臨二三友况復富詞藻側塞林
中花丰茸原上草物情方向榮樂事當及早古來賢達
士閱世猶昏曉豈無大樂資弱流隔蓬島所以日飲酒
愁腸頓如掃憶昔雪齋翁故山早投老風磴遊日多雲
龕容膝少人歸山寂寂空宇塵渺渺念此重躑躅凄然
亂懷抱人生若山水繁沃修枯槁深谷尚為陵大陸乃
成沼塵跡當馬如而不終難擾浩歌振林壑大白浮顥
顥毋令磊砢曾徒自嬰苦惱滄波復東注白日忽西倒
帝鄉邈難期征帆送飛鳥安得凌風翰肅肅升蒼昊

欽定四庫全書

林登州集

三

贈張子明奉使歸維揚

幕府張佳士乃是張公孫華裾照秋水彩筆輝朝暉不
作山澤癯弓鈿思高騫東風紫駟馬白日薇花垣草檄
璫雪合擊楫江水泮旣殪豺與虎復潛蛟與鼉魯連貨

無取介子功不言長揖謝上官振袂歸故園揚子夜月
擢竹西春雨尊於馬得真樂暫爾忘塵喧南山霧隱豹
北海風搏鵬時哉奮高舉萬里賓帝閭

野翁吟

野翁本儒士頗有山水緣萬中石壁挂蓁枝春雲穿文
章不自銜質實全其天深嗟流俗人二氏習已堅親死
不土葬焚尸骨已捐野翁泣為言五避禮所先焚棄固
足罪拘忌亦可憐流俗聞此語涕泗皆潛連純孝能錫

欽定四庫全書

林登州集

四

類人心本同然彼哉濁世人心跡與書懸高價售名譽
捷徑媒寵權諄諄教孝義野翁真世賢

喜王子充赴召翰林

聖皇啟明運日月麗中天幽微靡不燭草野無遺賢夫
君樂嘉邈邈在金華川一室坐虛白十載窮太玄翳翳
舍西桑涓涓屋頭泉君子思括囊志士催著鞭鶴書白
日下束帛何戔戔光華喜云近獻納知所先江右暫借
潤漳南重安邊三月已報政千里如解懸當宁深眷注

求舊資周旋金閨昔通籍石室今紬編絲綸王言布黼
黻人文宣真儒幸徵庸疲民思惠鮮而我惜遠別中心
抱悃悃士生貴大施外職徒縈牽及茲飾鴻業百世當
無前五堂有餘暇早寄新詩篇

題周伯虎採蘭詩

光風汎崇蘭流芬散中林草木被餘薰山水發清音蕭
艾一何繁霜露日已深伊誰愛芳質於馬間冲襟獨有
君子人皦皦同貞心采之未盈掬價重雙南金迺將紉
華佩遠鄙瓊與琛重將鼓遺操邈繼南風琴淳風未云
喪振古猶斯今

欽定四庫全書

林登州集

五

虞姬怨

君王萬人敵賤妾萬人憐昔有絲蘿托願言金石堅云
胡竟失勢恩情不終全騅馬驕不逝楚歌聲四喧君心
為妾苦妾身為君捐嗟君氣如虹創業未八挺恨妾命
如葉事主無百年遊魂遂驚塵怨血濺流泉妾死亦已
矣君行當勉旃江東地雖小星火亦可燃願身化孤燕

隨渡烏江船

旅感三章

洪武丁巳春同吳太史伯宗再奉使安南得疾道中

有作十月歸次劔江疾稍愈稿呈劉伯序

今晨秋節至涼風動庭柯美人白團扇臨風發清歌
聲出雲表哀響亦何多落花不上枝逝水無回波妾顏
亦易改君恩當奈何

其二

欽定四庫全書

林堡州集

六

驅車秣吾馬萬里涉遠道遠道多險難行李何草草晨
征夕未息川陸漫漫浩浩行役豺虎區此身不自保明當
脫塵羈優游以終老

其三

長風吹明月流光入高樓起坐彈鳴琴清聲滿樓頭一
曲操將歸四座增離憂吾身匪金石衰謝宜歸休為郎
已白首馮唐更何求

送周伯章之宜陽令

有序

曩余令豐城知伯章周君之賢欲薦之而伯章以親

老辭今年春以太守王侯舉來京師上御華蓋殿親

賜問焉已而授宜陽令嗟乎士患無所立不患有司

之不明聖世之或遺也伯章抒其素蘊見於設施譬

猶刃發於硃矢出於服隨刃而解應弦而中吾知其

無所滯也故於其行賦此以贈

我哉嵩高山泱泱洛川水山有栢與松水有鮪與鯉之

人蘊竒抱一出宰百里騎馬嵩洛間仰高玩清泚宜陽

欽定四庫全書

林堡州集

七

古赤縣瘡痍猶未起子行職承宣况乃明政理努力答
聖朝卓魯豈專美

安慶府

連山亘城西長江走城東岡阜紛起伏波濤爭怒雄汎

覽古舒國永懷青陽公

余闕字廷心元忠臣

一旅餘敝卒千載當

兵衝狂瀾日以潰砥柱嗟獨崇弱矢繼蒿刺急檄通蠟

筒謀身貴食肉殉國思匪躬慷慨望西拜烈日明丹衷

封墓昭聖德建祠勵臣忠百年等一死千古留清風疇

能識公心願起文山翁

白沙山

放舟匡廬陰遙望揚瀾曲湖寬衆水鍾江窄雙峽束剛
風吹白沙草木失青綠初疑雲滿山又似雪連谷深壑
尚為陵滄波或成陸矧茲沙力微日與風相逐我聞大
磧西風沙常起伏深者壕塹鑿高者岡阜築此事奚足
疑泚筆書所矚

歐陽文忠公修

欽定四庫全書

林登州集
卷一

文忠俊邁才身值熙盛世侃侃樹忠節堂堂決大義文

章擅家法浮靡振時弊四賢稱慶厯重輕實公繫補衮

成天功荷橐褱國是平章五代史炳若春秋義天方昌

斯文公獲申厥志臺閣詎為寵郡縣豈云棄所思在稷

契君臣堯舜似六一漫自名醉翁聊自記汝南終老心

西江敦本意風流與文采至今先後裔我來鄭公鄉懷

賢增仰企崇祀屬多故揭虔慨無地低頭拜東山千仞

鬱蒼翠

文信國公天祥

信國英特才身值叔季時士類既推首相業良在茲鞠
躬盡勞瘁天必濟艱危是時北風競腹脅離四肢青蓋
已洛陽黃豔猶海涓大廈梁棟傾孰云一木支江闕戰
屢衄星火勤王師妻子豈暇顧國家苦憂思一死不得
遂兩縛焉足辭皇天暗白日大地崩四維益州運告終
回谿翔空垂義節臣所仗成功天實為文山高哉魏文
水清澗漪忠魂識故路古屋遺荒基哀哉吟嘯集千載
有餘悲

欽定四庫全書

林登州集
卷一

九

和熙陽太史廬陵道中作

我本山林人偶作江海客及茲指南征頗苦炎暑劇海
雨暗江浦潦水日已積飛流出高樹栖苴在絕壁舟小
畏湍駛石亂驚峽窄仰觀冰雪屋俯瞰龜鼈宅涉險豁
壯心弔古悲陳跡江干彼何神縹緲留廟眷歲時走巫
祝牲酒紛狼籍我行不暇禱風至即挂席但令飲量寬
何卹吟骨瘠蒼莽江雲秋霏微山日夕候吏致慙慙慰

我遠行役吾生當有營匡時可無策天王今聖明萬里
如咫尺外服廣懷柔內治深綜覈幸復際雍熙馬能守
迂僻山豹隱霧文溟鵬振風翮納納乾坤大瞰瞰日月
白願成越裳書庶以裨丘索

端谿

端谿西南流兩峽為之門萬石矗天起有若渴驥奔上
無尺寸土草木春不繁焉知外聲確中有奇氣存故實
互聯絡水泉散清溫玄液入山骨靈質開雲根磨刀割
紫玉玉膩刀無痕文房一得之重價千金論我來正長
夏山雨谿水渾採尋竟無所惆悵日已昏居人為我言
母婢役者頗取石恒在冬水縮地氣暄百夫入深窞一
二或可捫鵲眼自生潤未數瑤與珉吾生食破硯此物
為田園歸途倘或致終感磨礪恩

廣西舟中

連山峽長江千里不一斷南通交廣域西接邕桂管竹
樹深蔽蔚湍瀨多激悍林居雜衆猺水處絕羣蠻喜人

欽定四庫全書

林登州集

十

欽定四庫全書

林登州集

十一

怒為獸撫循貴寬簡皇天祚明運穢濁均滌浣曾未煩
戈兵先已入圖版奮耕與野蠶民喜無躡短我行持使
節道路絕阻塞頗聞北來士遊宦愁僻遠十人九物故
嵐瘴嗟滿眼蝮蛇長於人蠹蟲毒於蠹蝓蛇點醺醬紅
宿不敢飯苦言何戚戚中心因悵悵天地共一域風氣
各有限朔南殊俗習川陸異物產江險不可堙山高不
可挽土風固云惡善調亦已罕飲食當慎節起居在和
衍心清體則夷氣正神自散修短有命存達人常坦然

嘉魚亭次韻

危亭敞華構飛閣俯層城羣峰多古色雙溪有餘清憑
高恣遐眺竹樹如將迎蒼梧一何遠縹緲孤雲橫願言
往從之塵土在襟纓嘉魚躍潛鱗幽鳥鳴新聲茲土雖
信美我行亦有程詩招何水曹酒乞阮步兵朗吟叫仙
翁拂劍同南征回首望遠島萬里弱流平

峒中婦

使有自南還者艤舟龍州江干見二婦馬一婦喜色
見顏面一婦哭甚悲詢之則皆以被掠入峒一得贖
歸其一未贖者也使憐其陷於獠也以白金三兩贖
之將以給歸其親婦竊念家久無聞不知親存亡否
且於獠夫未忍忘情夜遂遁去使不復問噫使亦義
人哉作峒中婦爲述其事

欽定四庫全書

林堡州集

十一

嗟峒中婦失身隨獠夷父母與兄弟八年不相知東家
有鄰女今朝得贖歸一歸一未返慟哭淚滿衣官船誰
家郎問之爲歔歔婦泣且再拜蠻音致哀辭郎呼獠來
前我贖免孤悲白金入獠懷健婦留江涓中宵竊心計
故家或衰微親在猶足賴親歿將何依獠夫固匪良枕
席久無違捩然夜奔去忍爾背恩私捐金實郎心重報
寧汝期人情易反覆婦性輕別離古來丈夫士尚甘志
節虧君看蘇李泣道恨河梁詩

播村隘

溪洞有餘險播村扼南夷逕小石齒交樹古藤脚垂亂
竹無人伐槁折何難披林杪天一竅雲密不得窺舉步
即脅息間關風磴危日夕未出隘我僕皆告疲嗟爾戍
守人創殘百戰遺餘生亦何幸際此明盛時

廠里隘

疎雨度密樹秋暑未能清入林足雲氣隔竹多水聲十
步一涉澗苔石紛縱橫僕夫失脚屢沈乃流潦盈陰木
欽定四庫全書

林堡州集

十二

獠處隘

山行已厭倦况復多扼塞日南僻遠地實藉此爲國暑
雨溪谷盈深樹崖崦窄斷虹收晚照百里帶暝色獠人
瞻使輶方舟齊衆力爲言前朝初此地交兵革至今空
山中鬼哭陰雨夕所願職貢修吾儂甘服役

龍州溪亭小集有作

旅懷感留滯朋情增鬱陶及茲晤語際少慰道路勞危
亭入窈窕秋色何蕭騷野菊披山逕幽蘭滿江皋俯視
霜露繁仰觀天宇高清歌發華席凝眸送輕舸山川悲
九辯塵土嘆二毛何以不飲酒徒用心忉忉流光亦易
失行樂隨所遭君看龍江水東流日滔滔

又得含字

季秋氣始肅風日猶清酣林亭愜幽賞復此傳征驂涼
柯商素發夕景嵐翠含興適恣沈飲喧遠諧極談安得
欽定四庫全書

林登州集
卷一

十四

凌風翼遐舉南天南

贈張坦扶祖櫬歸閩

靡靡歲年邁肅肅鴻鴈飛霜露淒淒以下遊子悵懷歸江
水東南流浮雲西北馳念子方在疚星辰中路違屏營
把袂涕泗紛交頤子行勿夷猶努力及壯時表表樹
先德榮名以為期

重登飛來寺得來字

招提翳蒼峽棟宇何雄哉飛樓壓雲起危亭俯江開樹

古閤變化徑側緣崔嵬晴峰儼如人為我度水來清心
入幽迴曠視道紛埃飄蕭風外竹的皪霜際梅孤嘯發
靈籟微吟盡深盃豈無出塵想奈此征鞍催仰觀崖石
刻其人骨已苔悠悠山水暉行行重徘徊

韶州謁虞帝廟

快雪過青澗初霞隱丹岡登臺望韶石乃在江之陽薄
言薦蘋藻再拜瞻宮牆當宁儼遺像巍巍垂衮裳二女
肅觀內四臣森侍傍緬邈懷明德伊昔勤省方薰弦播
欽定四庫全書

林登州集
卷一

十五

淳音遐服被餘光儀鳳已高逝神虬尚深藏濯纓虞泉
清振衣越山蒼千載過化地詠歸矢無忘

采蘭山之椒為達道監邑賦

采蘭山之椒山深路遠迤澗石嚙我足松露沾我衣愛
此芳菲質步深遂忘疲有美絕代人究在水之湄貌服
肅修靚皎若幽蘭姿舉枉效瓊贈庶以永所思從茲結
芳佩歲晏無相違

畦樂軒

種蔬東湖上雨過青田長乾坤動生意萬物生輝光凌
晨荷鋤廝母使蔬根傷採之供朝饌庶飽藜藿腸豈無
食肉者珍羞滿前行吾生安所分此樂詎能忘

權氏春暉堂

皦皦三春暉萬彙均煦育深恩類母慈拊畜還顧復
所以純孝人名堂表衷曲堂前樹芳萱堂後種慈竹顧
惟寸草心効報將安足春酒泛朝霞彩衣炫晴旭百年
愛日誠葵藿信同欲太史行采詩凱風篇再續

欽定四庫全書

林雲州集

十六

璜溪漁隱為姜用晦作

湯湯璜溪水邈在渭之陽淺有鯉與鮒深有鱖與魴伊
人事直釣乃獲玉中璜姬與呂為輔青齊國以昌寥寥
千載後有孫育子姜璜溪學漁隱牧野慕鷹揚君子慎
所履用舍隨行藏願持丹書篇獻之明聖皇

聽竹軒

塵居邇闌闌入耳皆市囂偶坐竹軒中便覺塵慮消好
風自南來萬竿夏青霄秋聲落庭宇天籟鏘瓊瑤灑灑

雨初入霏霏雪紛飄蛟龍舞黃咸鳳鳥儀虞韶

愛日堂

親年僅滿百子有千萬期蒼蒼東隅日忽忽薄崦嵫所
以孝子心瞻烏惜餘暉長繩願終繫長戈願常揮庶俾
桑榆景永照斑斕衣

陟此軒

朱君純孝宦遊古豐水有母在高堂鶴髮垂兩耳海
雲天一方家山地千里水湄開小軒日夕歌陟此啞啞

欽定四庫全書

林雲州集

十七

夜啼烏返哺故林裏睽惟寸草心効報將曷已顯揚實
大孝溫清乃常理願言鸞誥崇千載光信史

賦得米石送子昭歸金溪

江干艤蘭櫂言登米石山上有蛾眉亭下有千丈灣偏
懷謫仙人昔游水雲間玉堂不可留翩然御風還君今
勇辭歸於馬越河關呼酒一酌之陳迹重踏攀雲林鬱
嵯峨金川澹潺湲去去甘棄置逍遙樂餘閒

題愛慈軒卷

淒風動亭樹驚烏啼故林之子在遠道永懷寸草心音
容若著存悲愴孰能任仰觀昊天高俯視滄海深曷以
報罔極涕淚在衣襟

欽定四庫全書

林登州集
卷一

十九

欽定四庫全書

林登州集卷二

五言古

明 林弼 撰

題范文綱青雲別墅

靈峯出闌闌濯濯青芙蓉蒼雲豁朝暉竹樹森扶疎中
有隱君子憑高結茅廬植蘭被長坂引泉注清渠喧然
市塵中有若林野居客來觴我酒客去讀我書人生貴
適意圭組將焉如

欽定四庫全書

林登州集
卷二

題望雲卷

英英天際雲有若遊子衣孤雲常在望遊子行未歸親
舍渺何許心與雲俱飛願為故山樹孤雲日相依

送王子俊都司經歷

昔我少壯日躍馬青齊墟濟南我先里於焉久踟躕歷
下亭已古趵突泉尤疏酌泉洗心目翹首天海隅送君
憶壯遊念欲與子俱君行贊戎府兵政資謀謨四海方

林登州集卷一